

Dioclis.

1572







1762⁽²¹⁾


E XIII Dio

122

Lier

22 Sw. fr.

7/May/28



D

M

cr

ad

D

n

A R

Me

AN

A

C

51927
L 7019
Dioclis Carystij

MEDICI, AB HIPPO-
crate famâ & ætate secundi, aurea
ad Antigonum Regem Epistola,
De morborum præfagiis, & eo-
rumdem extēporaneis remediis.

AD HÆC,

ARNALDI A VILLANOVA

Medici præstantissimi Consilium ad Regem
Aragonum, de salubri hortensium vsu.

ANTONII MIZALDI MONLV-

ciani, Medici, cura & diligentia.

LVTETIÆ,

Apud Federicum Morellum
Regium Typographum.

M. D. LXXII.

CVM PRIVILEGIO REGIS.

ROBERTO CARVALHO

MEDICI AB INTELLO

etiam in his et statu secundum rationes

et Antonium Regem Portugaliae

et Antonium Portugaliae et eo

etiam in his et statu secundum rationes

AD HEC

ARNALDI A VILLANOVA

Medici in Consilio ad Regem

Antonium de Alibi Portugaliae

ANTONIO MIZARDI MONTE

etiam in his et statu secundum rationes

IVTTIE

Apud Technicum Motellum


Regium Typographum

M. D. LXXII

CVM PRIVILEGIO REGIS



PRUDENTISSIMO
& integerrimo viro PETRO
SEGVIER in Parisiensi principe
Galliarum Senatu Præsidi ANT.
MIZALDVS S.



*Audabile equidem ac
præclarum semper exi
stimavi, Præsēs orna
tissime, mortales rebus
ad vitæ cultum, usum
& mores pertinentibus adinuare, &
iure iustitiâque eosdem prudenter rege
re, ut cuique quod suum est ex æquo &
bono, tribuatur: Sed non minus etiam
laudabile ac præclarum esse duxi,
adfuturos morbos mortalibus præsa-*

EPISTOLA

gire, instantes præcauere, præsentis circumspectè curare, & sanitatis conseruationem (qua absente languët omnia) salubriter docere. Cùm itaque in his tribus & apertè, & breuiter, Hippocratico more, versari animaduertè, in hac ad Antigonom Asiæ Regem aurea Epistola, Dioclem Carystium, fama & ætate, ut scribit Plinius, ab Hippocrate secundum, & toties à Claudio Galeno in testimonium accersitum, ac magnificè laudatum: precium operæ facturum me putauì, si eum è Græcia in Latium haud ita pridem deportatum, publicæ vtilitati proponerem, ut cariosa uetustatis manus effugeret: quod temerè factum esse nemo, opinor, iudicabit. Nam quid, per Deos immortales, præstantius esse potest in hoc uitæ & temporis lubrico & præcipiti curriculo, quàm priscorum inuenta, multo sudore, la-

N V N C V P A T O R I A .

bore & uigilijs parca, candidè posteritati impertire? ne, ut diximus, rerum edax tempus, & inuidia pretiosorum operum rapacissima, obliuióque infida memoria nouerca, & artium, scientiarumque deprædatrix insidiosa, illa eripiat, aboleat & miserè sepeliat. Ne itaque in tantum discrimen ueniret Diocles Carystius, illum è tenebris in apertam lucem deducere, & à somno plus quàm Epimenidis longo, nimirum huc usq; 1882 annorum, uel circiter, excitare non sum cunctatus, magno, mehercule, sanorum & agrorum commodo. Nam præter quàm quòd morborum partium corporis principum præsagia & signa breuiter proponit, unà cum illorum curatione, mira etiam auxilia non solùm inuentu, sed & absque impendio paratu facilia, ibidem præscribit. Quæ, ecquid aliud, amabò, ob

EPISTOLA

oculos ponunt, quàm priscam illam, & omnium primam, cùm Græcorum tum Latinorum, medicinam & medēdi artem? Quæ, ut simplex erat, quia hortēsis & campestris (ne longius eundum esset) ita absque ullo fūco, ulla arte, nausea & tadio, suavis habebatur, & urbanis æquè ac rusticis admodum grata & utilis. Cuius rei si quis à me antiquissimum testem exigit, ego statim de multis illi producam Marcum illum Catonem, triumpho, censura, & literarum claritate insignem. Qui, ut Plinius tradit, herbis quas plantaue- rat, & maximè hortensi brassica, se, coniugem, filium, necnon liberos ad longævam senectutem incolumes perduxit. Fuit igitur olim, vel amplissi- mo Senecæ testimonio, medicina pau- carum herbarum scientia. Sed postea fraudes hominum, ut ille idem scribit

N V N C Y P A T O R I A .

Plinius, & ingeniorum captura officinas inuenere istas, in quibus sua cuique homini uenalis promittitur uita, & compositiones ac mistura inexplicabiles decantantur, quæ solis hominum ingenijs constant. Non enim fecit cerata, malagmata, emplastra, collyria, antidota, ut verbis utar Plinij, parens illa, ac diuina rerum artifex Natura: officinarum hæc, imò verò auaritiæ, commenta sunt.

Sed de istis paucula hæc satis erunt, ne cum Plinio bene dicendo, apud multos cum Plinio malè audiam: nam ut obsequium amicos, ita veritas odium sæpenumero parit. Ad te itaque, Preses integerrime, nostra se conuertet oratio: à quo supplex peto, ut, ex porrecta fronte, & pro solito candore tuo, placidè, præstantissimum & antiquissimum hunc Dioclem medicum, vnà cum suo collega Arnaldo à Villa noua, medico itidem

EPISTOLA

clarissimo (quem paulò tersius loqui facimus, quàm illius ferebant tempora) hospitio tuo excipere digneris: id nequaquam gratis facturum. Nam hic sanitatem tuam salubri hortensium usu prosperè tuebitur: ille, morbos ingruentes, certis signis & præsagijs, ceu digito, indicabit, & si aderunt, suauibus remedijs & paratu facillimis, citò, tutò, ac iucundè propulsabit. Vterque suum Opusculum Regibus scripsit & deuot: ego meam in utròque operam, tibi summo viro & Præsidi inculpatissimo, qui mihi Regis instar haberis (si quidem uerum id est quod Homerus scripsit,

Qui rectè faciet, non qui dominatur, erit Rex)

officiosissimè offero, & ex animo deuoueo: Eia itaque, ubi à grauius Senatus occupationibus, & priuatis negotijs tibi respirare dabitur,

sesequi horam scriptis illorum impende, sed hora

Sufficit

sufficit: hoc nimium? subtrahe dimidium.

*Verum enimvero, hîc ingens pectus
meû subit cura, ne ea quæ tibi dicamus
præclaro tuo nomini parum respondeât:
Sed me in eo solatur, audacioremque
reddit Plinius, tradens multas gentes
Dijs lacte sacrificare: ad hæc, mola salsa
litare qui thura non habent.*

*Addo quòd & Diuis supremos inter honores,
Cespes, & exigui placuerunt farra coloni.*

*quemadmodum scribit Statius. Malè
præterea me torquet, quòd tam uili mu-
nuscule, sublimitatem tuam salutem:
Sed rursus hunc mihi scrupulum adimit
magni Artaxersis Persarum Regis, præ-
clarus & solennis modus, quo animos
sibi donantium munera, quamtumuis
exigua, potiùs expendebat, quàm mu-
nera ipsa. Quæ magnitudine & corpo-
ris mole non semper æstimanda esse,*

EPISTOLA.

Certò adamas, gemmaque docent: nam corpore
paruo
 Oblectant Reges, diuitibusque placent.

Verùm hac satis, uel fortasse plura
 quàm oportuerit, præsertim apud occu-
 patissimum Præsidentem: Cuius laudes,
 pro mea tenuitate, sanè quàm libenter
 hìc percurrerem, nisi re uera scirem, lau-
 danda alacrius facere, quàm facta au-
 dire. Cùm itaque id mihi tua mode-
 stia negatū sit, Præsides prudentissime, ego
 interim Deum Opt. Max. qua potero
 sedulitate supplex precabor, ut & te,
 & præstantissimum Parisiensium Pro-
 prætorem filium tuum, Reipublicæ im-
 primis, deinde literis & literatis omni-
 bus incolumes diu custodire dignetur.
 Lutetiae, Idibus Septembris, 1572.



DIOCLIS CARYSTII

*Medici ab Hippocrate famâ & ætate
secundi, aurea ad Antigonum Asiæ
Regem Epistola, è Græco Latinè red-
dita, De morborum præsagiis, &
eorundem extemporaneis auxiliis per
hortensia, ANTONII MIZALDI
medici diligentia.*

DIOCLES ANTIGONO
REGI BENE AGERE.



VONIAM summa
tibi inter omnes Re-
ges, ANTIGONE,
comparata est erudi-
tio, & iam senilis procedit ætas,
vniuersæque philosophiæ ac ma-
thematicarum non vulgaris tribui-

*Antigoni
Regis eru-
ditio non
vulgaris.*

A ij

DIOCLIS CARYSTII

tur cognitio, quibus singulis clarissimus haberis, & palmam aliis longè præripis: Ego regiam quoque & familiarem tibi esse debere existimans, eam philosophiæ partem quæ ad tuendam sanitatem pertinet, idcirco tuæ Maiestati hac nostra Epistola paucis complecti volui, vndenam infirmitates hominibus contingant: & quibus indiciiis præcedentibus augurètur, quibusve præsidiis opportunè eis prospiciatur. Quemadmodum enim signa quædam minimè obscura, cœli tempestatem ferè semper præveniunt, quibus nautæ, & alii rerum naturæ periti, quid faciendum sit vt tutiores euadant facile colligunt: sic nullus præter naturam affectus homines corripit, nisi certis præcurrentibus signis ille in-

*Similitudo
sanè quàm
apposita.*

dicatus fuerit. Tu itaque nostris
ea de re præceptiunculis admoni-
tus illas obuiis vlnis excipere, & ad-
vnguem obseruare minimè dedi-
gnaberis.

Distribuimus humanum cor-
pus in partes quatuor, Caput, Tho-
racem, Ventrem, & Vesicam.

*Corporis
partes qua-
tuor.*

CAPVT.

CVM itaque morbus quispiam
caput præhensurus est, certa
præfagia & signa illum magna ex
parte solent prædicere. Cuiusmo-
di sunt capitis ad supercilia vsque
grauitas, aurium murmurans soni-
tus, & temporum pulsatio. Manè
lachrimantur oculi & caligant: he-
betatur odoratus, ac gingivæ intumescunt. Itaque dum eiusmodi

*Præfagia
instantium
morborum
capitis.*

*Remedia
morborum
capitis.*

*Semisexta-
rius uncia
decem.*

*Cautelano-
tatu digna.*

præfagiorum & signorum quid-
piam animaduertes, caput con-
festim repurgandum esse iudicato:
nullis, inquam, pharmacorum præ-
sidiis, verum, sumptis hyssopi, vel
origani summitatibus tritis, & in
ollula ebullitis cum passo, vel iuris
semisextario, quibus os ieiunum
collues, & quoad pituita educatur
gargarizabis. Hoc sanè morbo-
rum capitis facillimum est reme-
dium. Saluberrimum quoque
fuerit, decocto sinapi, in aqua mul-
sa & calente præmacerati, ieiunum
os itidem colluere, & gargarizan-
do humorem è capite deducere.
Oportet autem caput ipsum antea
per blandè fricare, & tegumento
quopiam calfacere: vt liquefacta
pituita sublato obstaculo, melius
fluere possit. Quisquis præuisa si-

gna & posita remedia neglexerit, *Accidentia
ex neglectis
remediis ca-
piunt.*
se morbis istis opportunum fore
certò sciat: nempe ophthalmiæ,
glaucomati, aurium dolori, stru-
mis in ceruice, tabi cerebri & σφα-
κελισμῶ, coryzæ, raucedini, anginæ
nocturnæ, lapsui vuulæ, capillo-
rum defluuiio, vlcusculis capitis &
dentium cruciatui.

T H O R A X.

QVando verò mali quidpiam
thorax passurus est, his præsa-
gitur & præsignificatur notis. Su- *Signa mor-
borum tho-
raci impen-
dentium.*
dor quidam per corpus vndique
diffluit: sed omnium maximè ad
thoracis regionem. Lingua crasse-
fcit, & falsa, amara, aut biliosa ex-
spuuntur: spontanei dolores in la-
teribus & scapulis citra manife-

stam causam oboriuntur: oscitationes crebræ fiunt, vigiliæ fatigât, vrgent suffocationes, sitis adest, & ex somno labor & animi anxietas, infestant pectoris angustia, & brachiorum lassitudo, ac manuum tremula affectio. Quibus nec malè, nec imprudenter ad hunc succurritur modum. Imprimis vomitus haudquaquam crapulosus, à cœna, quoad eius fieri potest, proritandus est ac mouendus: sed absque medicamento. Profunt etiam vomitus ante pastum matutini, & ieiuni, à Græcis *συνμαισμοὶ* nūcupati. Quibus igitur hoc pacto vomere placuerit, radículas tenues, seu raphanos, nasturtium, erucam, sinapi, aut portulacam deuoret, deinde aqua tepida affatim hausta vomat. Qui dicta præfagia & præsidia negli-

*Remedia
morborum
thoracis.*

*Vomitum
paratu fa-
cillimum.*

negligēdo prætermiserint, hos me- *Incommoda
ex neglectis
presidiis sho-
racis.*
tuant affectus, pleuritidem, peri-
pneumoniam, melancholiam, fe-
bres acutas, phrenetidem, veter-
num, & cum singultu faucium ar-
dorem & phlegmonem.

VENTER.

SI quis autem morbus ventrem
sinuasurus est, his detegitur in-
diciis. Venter in primis conuolui- *Indicia fu-
turo rum ve-
tris morbo-
rum.*
tur, obmurmurat & perturbatur:
esculenta cum poculentis amaro-
rem præ se ferunt: genuum adest
grauitas, spinæ & lumborum rigor
inflexilis, cum vniuersi corporis
lassitudine, citra manifestam cau-
sam. Vbi hæc signa obseruas, ven-
ter, nullo quidem medicamento,
sed victus ratione emolliendus ac

DIOCLIS CARYSTII

lubricandus est. Nam & meliùs &
longè tutiùs est iis vti, quibus non
facile potest delinqui. Ex horum
classe & numero sunt beta aqua
mulsa incocta, allia elixa, malua,
rumex, mercurialis, & omnia mel-
le condita: cuncta enim hæc alui
excrementa clementer ac benignè
deiciunt. Quòd si prælagiorum
quodpiam magis atque magis in-
tendatur, cnici seu cartami liquo-
rem omnibus decoctis infundes:
nam is & suavior & tutior est. Vti-
lis etiã fuerit lævis brassica, multa
aqua elixata. Huius etenim iuscu-
lū heminæ dimidię seu vnciarum
quinque mensura cum melle & sa-
le haustum, summè iuuabit: perin-
de atque cicerum decoctum ieiun-
no stomacho eadem mensura po-
tum: nam eundem habet effe-

*Remedia
morborum
ventris per
illius lubri-
cationem.*

*Aluum blã-
dè & facile
soluentia.*

Etum. Hæc signa & auxilia parui-
pendentibus affectiones istæ sape-
numero succedere solent: diar-
rhœa, dysenteria, lienteria, voluu-
lus, coxarius morbus seu ischias,
tertiana febris, podagra, apople-
xia, hæmorrhoides, & articularis
cruciatus.

*Quæ sequen-
tur neglectâ
ventris cu-
rationem.*

VESICA.

QVando autem vesicæ ma-
li aliquid imminet, his in-
diciis dignoscitur. Post exiguum
cibum plenitudo infestare depre-
henditur: oboriuntur flatus & in-
flationes, ructus & pallor vniuersi
corporis. Somni adsunt graues,
vrinæ tenues, aquosæ & ægerri-
mè stillantes, necnon circa puden-
da bubones, vel œdemata. Vbi sese

*Signa mor-
borum ve-
sicæ propin-
quatum.*

DIOCLIS CARYSTII

*Auxilia af-
fectuum ve-
sicæ.*

proferent eiusmodi signa & præsa-
gia, auxiliis lotia impellentibus &
promouentibus, opportunè suc-
currendum erit. Id quod sine peri-
culo præstabunt apii & fœniculi
radices, in vino albo, tenui & odo-
rato, macerata & decocta: modò
cyathi duo iusculi, seu vnciæ tres,
quotidie exhibeantur: manè nimi-
rum & vesperi, cum aqua dauci,
smirni, velenulæ campanæ: quod-
cunque horum ad manum fuerit,
nam æquè singula profunt. Cice-
rum quoque præmaceratorum &
coctorum aquam, si cum vino bi-
berit ægrotans, idem prorsus con-
sequetur. Qui verò scripta signa &
auxilia imprudenter neglexerit, à
sequētibus morbis sibi metuat: ni-
mirum ab hydrope, lienis tumore,
hepatis dolore, lithiasi, nephritide,

*Incommoda
sequentia
neglectam
curationem
vesicæ af-
fectu.*

stranguria, colico cruciatu, & torminibus. Cæterum, in omnibus signis & malis quæ hæcenus proposuimus, infantibus quidem & iunioribus, clementiora medicamenta, grandioribus verò, & natu maioribus, validiora ac efficaciora exhibere conueniet.

*Aduertenda
& notanda.*

ADMONITIO.

SVnt in Græco exemplari (cuius papyrus
Sraphrastem veriùs quàm interpretem me præstiti) alia aliquot hæc omiffa, de seruanda victus ratione per quatuor anni cardines & tempestates.

*Cur autor
ad finem
græci exemplaris
scriptæ quadam
consulto omiserit.*

Quæ, quia parum congruere nouimus ad hanc septentrionalis celi & soli nostri inclinationem & clima, idcirco hæc omittere nobis uisum fuit.

DE SYRMAISMO, ET RATIONE
PURGANDI PER VOMITVM, EX AE-
gyptiorum inuento & formula.

QVIA in superiore Epistola ad Antigonum Regem, Diocles medicus doctrina & anti-
quitate celebris, Syrmaismi mentionem facit in
morbis thoracis, quædam ex Ioanne Lægio me-
dico & philosopho præstantissimo in medium
de Syrmaismo producam.

PLV TARCHVS autor grauisissimus, in Dialogo
cui titulus, Quòd bruta ratione vtantur, Gryl-
lum quendam ad hunc modum loquentem introducit,
ὅς μὲν γὰρ Αἰγυπτίους πάντας ἰατροὺς εἶναι. quod
est, Audimus quidem Egyptios omnes medicos
esse: Nempe qui in omni philosophia & magiæ na-
turalis sapientia & vetustate omnes vniuersi orbis
incolas longè superarunt. Qua primi non herbarum
modò & radicum, gēmarum, astrorum, & vt verbo
dicam, omnium terræ nascentium vires, sed etiam re-
rum cælestium, diuinarumque causas, & præcipuè
morborum, omni solertia scrutati sunt. Nec temerè,
quid enim prodest egrotis medicus, vt tradit Poly-
bius, qui effectuum corporis causas ignorat? nihil sa-
nè. Proinde cū Aristoteles graui morbo decumberet,
medico suo multa vetanti, & non pauca citra morbi
causam edicenti, scitè, atque eleganter fertur respon-
disse: Ne me cures vt bubulcum, vel fossorem, sed
prius morbi causam ediffere, sic me præceptis tuis mo-
rigerum faciliè reddideris. Sed, vt ad Egyptios redea-
mus, illi, Diodoro siculo authore, asserunt ex cibario

Vide Plato-
nem in Ti-
meo, & Eu-
sebiū de
preparatio-
ne euange-
lica.

Polybius li-
bro secundo
& tertio hi-
storia. Et
Aelianus
lib. 9. cap.
23.

Lib. 2. sue
Biblyothe-
ca.

rum luxu & crapula omnes oriri morbos. Eos igitur
ieiunio, aut vomitu, idque quotidie, vel tribus aut
quatuor interiectis diebus, inanitione, ut Hippo- Aphorismo
crates quoque edixit, curare oportere. Id quod Hero- 22 sectio-
dotus quoque in Euterpe affirmat: Apud Ægyptios, nis secunda.
inquit, adeo erat frequens usus clysterum, ut quouis
mense triduo se purgarent vomendo, & intestina sa-
nitatis ergo clysmate eluendo. Quod ab Ibide volu-
eri Ciconiæ simillima, & à canibus didicerant: qui
ut Claudius Ælianus tradit, dum lumbricis infestan- Aelianus li-
tur, segetem herbescentem depasti eos egerunt: cum ve- bro 5. cap.
rò alterū ventrem exonerare volunt, herbam quan- 46. & lib.
dam gramine canario similem arrodere dicuntur: 8. cap. 9. de
cuius viribus partim vomendo, partim per aluum animalibus.
bilem æruginosam & quicquid in utroque eorum
ventre redūdā exonerant maximo eorum commodo.
Vnde etiā Ægyptios Syрмаismum, quo canes utrum- Vide Hero-
que ventrem expurgant, didicisse, idem Ælianus re- dotum &
fert: & ob id beneficium, Canes sub Anubis nomine Diodorum.
adorarunt. Cum igitur Ægyptus non tantum nili ef-
fluio, sed præclaris etiam philosophorum, quos ma-
gos dicunt, & medicorum quoque ingenijs fœcunda,
per totū terrarum orbem celebraretur, ad illius arcana
doctrinæ & sapientiæ præcepta capeſſenda, Demo- Lege Euse-
critus Abderita, Pythagoras & Plato in Ægyptum bium libro
appulerunt, & Ægyptiorum dogmata in Latium, aut, 10. cap 2
si mauis veterem Græciam attulerunt. At Democritus et Cic. lib.
Chaldæos etiam inuifit, & Babylonem ingressus ma- 5. de finib.
gos, & postea Indorum gymnosophistas salutauit: A
quibus sapientiæ, medicinæ, & rerum occultarum
thesaurus onustus; tandem in Græciam rediit, &
Hippocratem, cum quo diu familiariter vixit, præter

DE SYRMAISMO.

Hippocra-
tes lib. 2. de
articul. &
Galenus
ibidem.

Vide Com-
ment. Gal.
de fract. os-
sium, &
Paul. Aegi.

Lege in Le-
xico Suida
& Phauo-
vini.

alia multa, *Syrmaismus* Egyptiorum, ut par est cre-
dere, docuit. Cuius *vs*um ille idem Hippocrates in cu-
ratione fracturæ aurium his verbis coprobat, *ὡς δὲ ἐν*
ἐνὸς τοῦ ἐν, ἐμὲν ἀπὸ συρμαϊσμοῦ, id est. Si patiens ad
vomendum pronus fuerit, vomere illum à *syrmaismo*
finito: taliter enim, inquit Galenus, leues & medio-
res alui deiectiones, vel euacuationes per vomitum
veteres appellarunt: quas varijs proritabant phar-
macis: Nempe melle affatim deglutito, aqua mulsa
meraciore, succo pisanæ ex aqua per se, vel cum
melle decocto: & ijs efficacioribus, surculis veratri
albi in raphanum defixis: vel raphanis solis postero
die ex aceto mulso comestus: nec verò tantum lentoris
habet, quantum raphani succus, aut bulborum nar-
cissi, qui vomitum quoque prolicit. Non temerè igitur
Diocles Antigonum regem admonet, ut ægritudines
thoracis imminentes, *syrmaismo* præueniat. Quod
attinet ad *syrmaismi* etymū, ἀπὸ τῆς συρμαϊσμοῦ dedu-
ci videtur, quod, autore Suida, purgare per vom-
itum & aluum significat, & pharmacum, quod id
operatur, *συρμαϊσμοῦ* dixerunt. Sed de *syrmaismo*, &
purgatione per vomitum hæc in præsentiarum
satis erunt.



ARNALDI A VILLA-

NOVA, medici præstâtissimi,

Consilium ad Regem Arago-

num de salubri horten-

tium usu.

De salubri usu Olerum.

OLERIS nomine hîc in-
telligimus, plantas eas, Quid hîc
per olerum in-
telligendû.
quæ in vsum coquinæ
veniunt, vt ex illis parêtur
iûscula, fercula, condimêta & simi-
lia, siue sint herbæ, vt caules, lactu-
cæ, spinacea, betæ, & aliæ: siue fru-
ctus plantarum, vt cucurbitæ, cu-
cumeres, cinaræ, melones, & huius
plumæ alij: siue radices esculentæ,

C

vt cepæ, porra, raphani, allia, & similes. Imprimis itaque moneberis, quòd temperato corpori & echymo oleribus vesci non expedit, præsertim crudis, lactuca & portulaca exceptis. Quibus per æstus & calores immodicos, mediocriter vti conceditur, ad placandum & temperandum sanguinis, ventriculi & hepatis incendium. Quo tempore, ante alia fercula, ex pauco aceto rosacea aqua defracto, summi possunt. Sed amaræ lactucæ ijs maximè vitari debent, quorum corpora calido temperamēto sunt prædita. Borrago & buglossum domesticum, omni tempore congruunt, propter temperatam eorum facultatem: sed his imprimis quorum aluus pigra esse solet. Nec ineptè fiet, si ad tollendam illorum

Cruda olera corporibus temperatis noxia.

Borrago & buglossum quibus congruant.

asperitatem, nonnihil tenerrimo-
 rum spinaceorum, vel blitorum,
 sed nequaquam rubescentiū, vnā
 decoxeris: & si æstas aderit, lactu-
 cam adieceris, vel portulacam, aut
 atriplicem, vel betam: Si verò
 hyems vigebit, nasturtium, petro-
 selinum, vel pauca menthæ folia
 aut alborum cauliū cymas & ocu-
 los. Spinacea & bliti, quia tem-
 peramento inuicem propinquant,
 mixtim vel separatim sumi pos-
 sunt, qualibet anni parte, modò
 quæ tempori congruent, illis ad-
 iungantur: vt æstate, lactuca dul-
 cis, portulaca, atriplex, & cucurbi-
 ta: hyeme, nasturtium, vrtica te-
 nera, petroselinum, caules rubri,
 aut crispī virides. Albi caules quo-
 rum latæ sunt costæ & brachia cum
 leni folio, vtiliter sumuntur æstate

*Spinacea &
 Bliti, cum
 illorū usu.*

*Caules al-
 bi.*

DE SALVBRI VSV

& autumnno, si in arido solo & vmbroso loco educati fuerint: sed omnium maximè eorum summitates & tenerrima capitula probantur, abiectis magnis & latis foliis.

Asparagi.

Asparagorum teneritas præbullita verno tempore locum habere potest. Verum enimuerò, in horum omnium vsu tria obseruare conue-

*Tria summè
obseruanda
in olerum
vfu.*

nit. Primùm, vt reiiciantur quæuis olera, dum ad florem festinât. Alterũ, ne cum lacte animalium condiâtur: nam ita immodico vapore, calida corpora & temperata offendunt. Itaque in carniũ, & omniũ maximè gallinacearũ iusculo, vel cum amygdalino lacte, aut oleo dulci & recēti, perappositè ac salubriter condiētur. Quod attinet ad

Cucurbite.

cucurbitas, satagendum erit, vt pro animalium lacte, amygdalinum il-

lis adhibeas, ne renibus & vesicæ
 noceant. Nec insalubre erit, co-
 mites eis etiam dare albas & ro-
 tundas cepas, ne intestinis quid-
 piam detrimenti adferant: adhæc
 puluere cinnamomi conspergere,
 ne ventriculo officiât. Tertium in
 vsu olerum obseruādum id esto, vt
 ante alia fercula sumantur, exceptis
 caulibus, qui sub finem mensæ lo-
 cum habere possunt, ob quandam
 stipticitatē, vt ita dicam, & nitro-
 sitatem, qua sunt præditi, maximè
 crispī, virides, ac rubri. Si autem
 exclusa corū substantia, solum ius-
 culū haurire perplacuerit, omniū
 primū, hoc est, paulò ante cibos
 alios, agendum id erit: ob manife-
 stam laxandi & aperiendi facul-
 tatem qua pollet. Quòd si vtrum-
 que vnà sumere visum fuerit, ni-

*Caulēs sub
 finem men-
 se locum ha-
 bere.*

DE SALVBRI VSV

mirum & iusculum & cauliũ car-
nem, sedulò obseruabis, ne ven-
triculo negocium faceßas, & cibo-
rum coctionẽ præpedias, ob con-
trarias facultates. Expedit itaque
ad id incommodi depulsionem, vt
antè præscriptam eorum conditu-
ram & coctionem præbulliant: aut
aqua feruens ante cocturam illis
aliquoties superfundatur: vel ex iis
iusculum initio pastus hauriatur,
& in fine herbacea substantia.

*De usu cau-
lium pul-
chra & no-
tatu digna.*

*De salubri usu Radicum horten-
sium esculentarum.*

RADICES hortenses quibus
solemus vesci, sunt porri (aut
si mauis porra) cepæ, allia, rapha-
ni, rapa, napi, pastinacæ, & sifera.
A primis quatuor debent prorsus

*Hortorum
radices es-
culentæ.*

abstinere qui calido sunt temperamento, maximè si cruda fuerint. Sed hyemali tempore, in iusculis & cibario vsu nequaquam prohibentur: præterquam his qui fluxui pulsantium hæmorrhoidum sunt obnoxii, vel extemporaneæ insperatæque illarum eruptioni. Quamquam minùs periculi ingruere solet ab albis cepis, modò præbullitæ fuerint, & ex eis factum sit, vt vocant, Cepulatū, cum optimis carnis, aut dulci oleo: in quibus prætermittere nunquam licet, amygdalinum lac. Verum enim uerò quia tale ferculum ventrem solet soluere, idcirco principio mensæ & ante alios cibos sumi debet. Oblongæ cepæ, rubentes ac rotundæ, nullum in his locum agnoscunt. Rapa dulcia, & napi

Porrorum,
ceparum &
alliorum
vsus.

Cepulatū.

Rapa &
Napi.

tenerrimi, cum carnibus, absque
melle, pipere, & cimini aut carui
semine decocta, sic satis probatur,
etiam si nullo condiantur sapore.
Quod si aliquo oblecteris, abunde
erit caryophyllum addere, utcun-
que tusum, vel Zinziber, cinnamo-
mum, aut crocum: Sic enim
meatus urinales aperient, aluum
remollient, & visui proderunt.

Pastinacæ.

Pastinacæ, præsertim albæ, sub fer-
uentibus cineribus assatæ, aut in
iussulo cum carnibus elixatæ, salu-
briter sumi quandoque possunt:
nam & ventri, & viis urinariis ea-
dem præstant auxilia cum præce-
dentibus: modò prima mensa, ut
anteà scriptum fuit, exhibeantur.

*Sisera qui-
bus profuit.*

Sisera, nobis vulgò, *Cheruis*, dicta,
hyemè & vere corporibus euchy-
mis impunè sumi possunt frisa, &
ut par

vt par est, condita. Sed si caput, thorax, aut pulmo defluxione, vel rheumatismo tentarentur, illis abstinentum esset: quoniam humido capiti & pulmone summè nocent.

De salubri usu Leguminum.

Legumina euehymis & temperatis corporibus non congruunt, quandiu integra fruuntur sanitate. Quapropter vitanda est eorum substantia, & maximè siccorum. Si tamen viridium & recentium vsus cuipiam expetetur, cõsentaneum erit vt cum Zinzibere & croco exsiliquata decoquantur, & sub finem lacte amygdalarum dulcium condiantur: nisi fatius esse duxeris fieri id cū iusculo pinguium carniũ, excluso la-

*Viridium leguminum
vsus & cõ-
ditura.*

*Faba, pisa
& cicera.*

cte amygdalino. Fabę, pisa & cicera, de omnibus leguminibus minus noxia habentur euechymis corporibus, omniumque minimũ pisa, quæ albo & rotundulo sunt corpore. In summa, quęcunque ex leguminibus sicca erunt, absque carnibus parari debent, addita cepa alba & rotũda, minutim concissa: tum demum in oleo dulci, vt decet, frigi, & amygdalino lacte condiri: præcipuè si ex fresa faba ferculum parari debeat. Legumina quę cum animalium lacte in vsum veniunt, prorsus fugienda sunt. Verũ per esuriales illas & longas ferias (vulgus Quadragesimam vocat) in quibus obstruentium alimentorum & saburrantium quamplurimi larga copia vti solent, vt piscium, polentarum, & similium,

*Legumina
cum animalium
lacte
cocta, fugienda.*

tunc temporis precium opere fuerit ad tuendam valetudinem, prima mensa interdum haurire iusculum pisorum, aut cicerum depuratorum, quod populares Puretam nuncupant. Quæ nihil aliud est, quàm decoctum id, quod prisci medici summoperè laudarūt, & ad hunc apparauerunt modum. Macerātur per noctem pisa vel cicera in aqua dulci: postridie ebullitionibus aliquot blandè feruent: colatura mundo vase excepta, appetente hora pastus cum vini albi tātillo, & paucō spicē nardi pulvere, nec non mediocri sale & croco, vnica ebullitione rursus feruet, ac tum demum prima mensa hauritur. Iusculum id aperit ac deterget capillares venulas hepatis, & vrinæ vias emūdat, vnde corpora

*Iusculum
pisorum seu
pureta, quo
modo anti-
quis para-
batur.*

DE SALVBRI VSV

Pro calculo & arenulis.

à calculo & arenulis eximiè tuctur & præseruat, maximè si præmolli-
ta fuerint pisa, aut cicera, in aqua
decoctionis radicum petroselini,
& ibi, quo dictum est modo, per-
cocta. Populares falluntur in eo,
quòd sibi persuadent idem com-
modi esse in iusculo cicerum ma-
ceratorum & remollitorum in li-
xiuio. Nam sicut tota substantiæ te-
nuitas & subtilitas ab illis sepa-
ratur.

*De salubri usu fructuum, tam arboreo-
rum, quam herbaceorum.*

FRUCTUUM vsus non conuenit
euchymo corpori & tempera-
to ratione cibi, sed potius medica-
menti: fructibus itaque moderatè
vti conuenit, obseruato semper

*Fructibus
prudenter
ac modera-
tè vtendum.*

commodo, & incommodo, quod ex eorum usu pendet. Nam ad voluptatem non sunt sumendi, quin potius ad utilitatem & salubritatem. Itaque, qui illis pro alimento vtuntur, debent qualibet anni parte consideratè prospicere, in quæ detrimenta possint incidere, cum ex ea cœli & aëris constitutione quæ tunc sese offeret, tum ex alimentis & rebus quæ in aëre, qualis qualis erit, educabuntur & vige- bunt. Ceterùm, quia æstiuo tem- pore & calido sanguis facilè in- cenditur, autumno verò siccescit, idcirco per ea tempora liberum est frigidis & humidis fructibus uti, ad contemperandum sangui- nem. Insuper quia per calores mē- bra corporis rarescūt, & hinc rese- ratis eorum spiraculis facilè effluit

*Frigidis &
humidis fru-
ctibus quā-
dortendū.*

natiuus calor vnà cum suo spiritu,
ob id tunc temporis vti cōceditur
fructibus moderatè adstringenti-
bus: quales sunt subacerbi, austeri,
& stiptici vulgò nuncupati. Quo

*Quando
utendum
fructibus a-
cidis, astrin-
gentibus,
humidis ac
dulcibus.*

etiam casu cōgruit acidorum vsus,
ad internum æstum frangendum,
aut saltem leniendum. Adde quòd
aëris siccitas sepe numero aluū re-
siccare solet: quò fit, vt æstate hu-
meētāda sit vsu fructuum dulcium
& humidorum. Quorum præsidio
conciliari etiam poterit somnus,
qui plærunque à siccitate præpedi-
ri consuevit. Iuuabit denique co-
rundem vsus, ac summè proderit
ad sitim placandam, & hepatis,
cordis, nec non oris ventriculi
æstum per ea tempora leuandum.

His diligēter animaduersis, faci-
lè, vt opinor, colliges vsum fru-

ctuum, quo dictum est modo selectorum, æstate feruida, & sicco autūno nequaquā prohiberi. Quod ad sanitatis conseruationem attinet, pro canone, ceu rata sententia habeto, fructibus nunquam esse vtendum, siue crudi, siue cocti erunt, donec in sua arbore perfectam assecuti fuerint coctionem & maturitatem, si quidem id fieri potest. In his mora excipiuntur, quorum vsus probatur antè quàm ex integra maturitate nigrescāt. Nam tum sanguinem inficiunt, & ad putredinem viam sternunt, excitantque bubones, carbunculos & anthraces. Ob id in regionibus calidis & humidis, eo anno quo talium mororum frequēs est vsus, epidemici morbi, populares & pestiferi, maximè vigere solent: nisi

*Fructibus
ante perfectam
maturitatem
nūquam
vtendum.*

Mora.

*Vermiculo-
si fructus
fugiendi.*

fluxionibus alui impediuntur. Abstinentum est à fructibus, quoties in illis vermes cumulatim gignuntur, aut fructus ipsi internè tabescunt. Quod inde cognoscitur, quia parte interiore natium colorem deponūt, & genuinam pul-
pam nequaquam præ se ferunt. Quo fit, vt tales fructus, quotidianas febres, & continuas ac putridas, comites plerumque habeant, & frequenter generent: nisi fortè illorum cruditas & corruptela, soluta aluo pessum eat, aut copiosis ex sudore laboribus, vel aliter, à corpore excludatur, aut per vrinas opportunè eluatur & effluat. Ob-
seruandum insuper erit, ne simul diuersi fructus sumantur: quantumcunque fuerint in suis naturis & qualitatibus propinqui. Vt si
contin-

*Diuersos
eadē mensa
fructus non
debere sumi.*

contingat prunis vesci dulcibus ad
 mouendam aluum, non expediet
 vnà cum illis vti cerasiis: quin po-
 tiùs his, aut illis, simpliciter, prima
 mensa, & pauco ante alia fercula
 tempore. Sic in ficuum & vuarum
 prouentu, non licet vtrisque si-
 mul vti, quamuis valde prosint ex-
 cretioni alui, sed alteris duntaxat
 seorsim & particulariter: veluti re-
 centibus ac maturis ficibus, quo
 dictum est modo, tempore, & lo-
 co. Quæ vt efficaciter prosint, & ^{vt ficus pro-}
 aluum optimè subducant, iuscu- ^{sint & al-}
 lum desuper hauriendum erit, vel ^{uum subdu-}
 alius quispiã liquor idoneus. Ve- ^{cant.}
 rùm, biliosis omnibus, nec non iis
 quibus hepar cum ventriculo cali-
 dum habetur, tutius erit frigidam
 superbibere: reliquis verò vinũ ad-
 primè dilutum. Quòd si ad illos-

DE SALVBRI VSV

*De vni-
s
orum vfu
salubri.*

met effectus vua sumi debuerit, se-
dulò cauendum erit, ne id fiat inter
epulas, sed longè antè: præsertim si
recēs & exactè matura fuerit. Nam
sic flatus, & ventosa tormina non
solum promoueret, sed etiam ebul-
litionem, & nescio quam ciborum
fermentationem, vnà cum ventri-
culi subuersione, perturbatione &
coctionis impedimento, molire-
tur. His accedat, quòd vuis sum-
ptis, vinum desuper nullo modo
est hauriendum: quin potiùs ius-
culum, aut aqua frigida. Si tamen
inter fercula liberet vuam mandu-
care, sit illa dies aliquot antè decer-
pta & adseruata. Id quod fieri si mi-
nùs possit, in feruentem aquam de-
mittatur, & tum demum superfusa
frigida, mensæ apponatur. De per-
siccis, antepersiccis, & similibus mol-

*Pulchra de
vuis & ob-
seruatu de-
gna.*

li cute & carne præditis fructibus,
 idē ferē sentiendū merīt. Nam Per-
 fica sumūtur initio mēſæ & primo
 eius vestibulo, ad mouēdam aluū,
 & ducēdas deorsum fēces: iis ma-
 ximē quibus calidum & siccum est
 hepar: sed tunc non expedit ficus
 sumere, quæ magna scatent humi-
 ditate. Nocent verò, vt etiā aquo-
 si & frigidi fructus omnes, iis quo-
 rum viscera frigida habētur & hu-
 mida. Si tamen & his & illis vti vi-
 sū fuerit, aliquātis per præmacerari
 debent in vino aliquo generoso, si
 eadem die ex sua arbore decerpta
 fuerint. Quæ biduò, vel triduò post
 collectionem, Soli exponentur,
 longē sapidiores ac salubriores gu-
 stu esse deprehendentur. Ceterum,
 si cui calida habenti viscera, nota-
 bili quantitate ficus edere visum

De Persicis
 & eorum
 vſu.

De ficibus
 pulchra &
 notanda
 gna.

DE SALVBRI VSV

erit, ei sanè quàm optimum fuerit durioris carnis persica, vel antepersica, aut odorata & permatura mala antè manducare: æstate cruda, hyeme verò cocta. Ex ficubus præstantissimæ habentur, quibus rubicunda est pulpa, & sapor subacris, censenturque utiles esse iuuenibus, & calido temperamento præditis corporibus.

Admonitio.

Quæ hæcenus scripta sunt, ad eos quoque fructus referri possunt, qui ad temperandum sanguinis æstum & feruorem sumuntur, cuiusmodi sunt cucumeres & melones: præterea qui ad placadam bilis acrimoniam & eius incendium restringendum offeruntur, vt facere solent acidi fructus & frigidi. Sed hîc nequaquam est omittendum, nec item obliuiscendum,

Melones, citruli & cucumeres.

quòd cucumeres, melones & citruli vnà sumi non debent. Qui si fortè ad mēsam apponentur, parū eorum pulpamento licebit degustare, idque ante cibos alios. Quod iuuenibus & his quibus calida sunt viscera, præceptum erit. Quan- *Observatu*
 quam, æstiuus caloribus, & per *notatu*
καύματα non incongruè, nec insalubriter sub finem cœnæ ab iisdem sumi etiam poterunt: vt diaphragmati & superioribus corporis partibus, ob præcedentem diei feruorem æstuantibus, perfrigerium aliquod accersatur: maximè vbi somnus paulò pòst sequi debet. Hinc nimirum facilè potes colligere, cur persica, vel, vt legunt alii, citria, sub finem cœnæ sumpta, plus prosint, quàm initio eiusdem, licet aquosi & humidi sint fructus, nimirum

*Cur humi-
di fructus,
subacribi
& acidi
mensas clau-
dere de-
beant.*

*Pulchra &
notatu di-
gna.*

quòd squallorem, & partium cor-
poris superiorum æstum mitigent,
& suauem somnum procurēt, gra-
uésque halitus & fumos à præsum-
ptis cibis elixis, vel assatis, & acribus
eorum condituris excitatos, dum
ex ventriculo & hepate sursum vo-
lare, & cerebrum petere satagunt,
deorsum redire, & veluti posito
desuper operculo, intra proprios
cancellos sese continere cogantur.

Vtilius nihilominus esset, ad æstū
sanguinis leuandum, cucumerum
quo decet modo apparatorū, aut
peponum, melonūmue pulpam &
subcutaneā carnem longè ante cœ-
nam sumere: in fine verò, persica,
vel potius citria, vt antea diximus,
aut granata, selectæue poma cru-
da, cum tantillo panis: vel canden-
tibus cineribus priùs exposita, &

perfrigerata. Acidi fructus & sub-
 austeri qui ad extinguendum, vel
 obtundendum flauæ bilis incen-
 diū, ad proritandamue & excitandam
 ciborum appetētiā sumuntur,
 longè ante prandium exhiberi
 debent: cuiusmodi sunt cerasa
 subacida, aut mora semimatura.
 Sed siue initio mensæ præsumantur,
 siue longè antè exhibeantur,
 nihil est superbibēdum. Nisi fortè
 metueres ne ab eorū aciditate, vel
 acerbitate offenderetur guttur, aut
 stomachus, vel spiritalium membrorum
 quodpiam: Tunc enim consultum
 esset, non nihil iusculi, vel vini aqua
 refracti, aut sacchari optimi, ilico
 pòst sumere. Monendi itaque sunt
 qui ieiuno ventriculo citria mala,
 aut limonia, vel granata acida,
 vel quid tale accipiunt,

Acidi fructus & subacervi quodammodo vitiles.

Admonitio nequaquam negligenda.

*De fructib.
astringen-
tibus & a-
cerbis.*

*Fructuum
astringenti-
um varie-
tas.*

vt id nunquam tentēt, quin priùs
illis ad manum sit præstantiss. sac-
charum. Quòd attinet ad compri-
mentes & astringentes fructus,
plurimi sunt ex eis qui attingi mi-
nimè debent. Vnde sumptis pyris
abstinendum est à cotoneis, & co-
toneis acceptis, longè ableganda
sunt sorba, vel mespila, & contrà.
Verumenimuerò, inter compri-
mentes & adstringentes fructus,
non paruum est discrimen. Nam
quidam comprimunt sola substan-
tiæ grauitate & pondere, vt crudę
auellanae: alii verò propria faculta-
te quam habent cōstringendi. Rur-
sus adstringētium & compri-
mentiu nōnulli debiliter astringunt, &
austeri dicuntur, qualia sunt pyra
multa: alii fortiter, vt sunt coto-
nea, sorba, mespila, & de gustu simi-
les

les fructus alij.

Sunt præterea ex his quidam odorati & aromatici, alij nequaquam: quidam dulces, alij minimè. De astringentibus id in summa habito præceptum. Si sola grauitate comprimant, & non propria facultate aggregandi comprimendique partes membrorum quibus obuiant, nec odorati sunt aut dulces, nequaquam sumi debent, maximè ab iis qui temperato sunt corpore & calore. Ob id recentes auellanæ vitandæ sunt, licet assumptum cibum cogant descendere. Nam dulcedine carent, stomacho sanè quàm grata: nec odoratum habent quidpiam ad fouendos & recreandos spiritus: nec apertam adstrictionem, qua roborent partes ventriculi. Quo fit vt ei censean-

Cur recentes auellanae sint stomacho infestæ.

tur infestæ auellanæ recentes. Sic-
cæ minùs nocent, quia minùs fri-
gidæ. Quæ si vel tantillùm tor-
reantur, multò minùs officient: sic
enim & dulcorem, & adstrictio-
nem quantulamcunque induunt,
quâ prodesse possunt, perinde at-
que castaneæ, quando probè assa-
tæ exhibentur in cibum. Hinc
nimirum fit, vt postremæ sumptæ,
mensas claudendo, ventriculi ori-
ficium bellè firment ac roborent:
præsertim si in præstanti vino priùs
demersæ fuerint. De fructibus
acidis & astringentibus hæc rursus
particularia habeto. Si dapes in-
choent & mensas aperiant, aluum
comprimunt: si verò postrema
mensa, hoc est, omnium vltimi ex-
hibeantur, laxabunt & soluent:
Nam vbi illi fercula alia præcedūt,

*castaneæ et
eârû vsus.*

*Fructus a-
stringentes
quando ex-
hibendi.*

inferiores partes, quas obuias habent, stringunt & comprimunt. Quo fit, vt cibariorum fæces & excrementa per restrictos meatus & tubulos ægriùs descendant, ac difficiliùs extrudantur. Dum verò cibum sequuntur, contrarium molliuntur: nam supra fæces vias stringunt, & comprimendo cogunt illas deorsum properare. Adstringentia, pontica & acerba nūquam sumenda sunt cruda, nisi fuerint condita, vel diuturna in sua arbore mora, vel legitima adseruatione & repositione adstrictionem acerbitatēque deposuerint. Omnia enim pontica, acerba & acida, gra- sapores thoraci & eius partibus infesti. uiter offendunt thoracis membranas & musculos. Idcirco cydonia mala, & pyra, pomāue acerba, antè quàm comedantur, debent ex

pingui carniū iusculo coqui, vel
 vnā cum carnibus in pastillū com-
 poni: nisi satius tibi visum esset, il-
 la in feruentibus prunis, vt moris
 est, assare, & depellata, ac saccharo,
 aniso, vel fœniculo conspersa, mā-
 ducare. Poteris etiam in clibano
 torrere, quod multis gratissimum
 est: ne foculi cineribus, plærū-
 que immundis, vitientur: aut fumi
 tetto vapore aliquo imbuantur.
 Sunt qui nobili vino incoquant:
 sed eo modo potentiū adstrin-
 gunt, quā si pingui carniū iu-
 sculo decoquerentur. Sorba &
 mespila, quæ rarò in sua arbore ma-
 turescūt, longa post collectionem
 mora natiuam deponunt acerbita-
 tem. Idcirco si quis urgente ne-
 cessitate, vel imperante voluntate,
 mespilis vti cogatur, assari, aut me-

Quomodo
 apparanda
 in cibū cydo-
 nia, pyra, &
 poma acer-
 ba vel aci-
 da.

Sorba &
 mespila.

ro incoqui debent, vt acerbiter
 exuant. Alii fructus pontici dum
 condiuntur acerbiter & aco-
 rem vtcunque deponunt: sicu-
 ti probare licet in acerbis & im-
 maturis oliuis, dum in suo na-
 tant iusculo, & ob id à Græcis,
 κλυβάδες nuncupantur. Adhæc
 in nucibus iuglandibus, dum in
 suo condimento degunt. Nam
 eo pacto moderatè exacerbantur,
 & parum lædunt. Sed id minùs in
 oliuis, quàm tenellis iuglandibus
 apparet: quoniam absque melle,
 vel saccharo illæ condiuntur: ob id
 parciùs ac rariùs in cibum sumi de-
 bent. Astringentes fructus, humi-
 di & succosi, plus congruunt sic-
 cis tēporibus, vt æstate & autūno,
 quàm hyeme. Sicci verò & humi-
 ditatis expertes, si quidem dulces

*Immatura
 oliua et
 nuce.*

erūt, hyeme & vere opportuni ad-
 runt: cuiusmodi sunt dactyli & ca-
 staneæ: habēt enim dactyli omnes
 nescio quid astringentis facultatis
 & saporis. Si autem cogeret ne-
 cessitas, hyeme & vere vti fructi-
 bus, ad emolliendam aluum, per-
 appositè postrema mensa appo-
 nerentur dactyli, vel vuę passę cum
 suis vinaceis & granulis: modò ni-
 hil superbibatur. Idem fiet, si pa-
 stus initio sicca ficus absque pane
 manducentur: in fine verò, dacty-
 li vel oliuæ: post quas etiam vuę
 aliquot passæ, excluso potu, non
 ineptè offerentur. Quòd si suc-
 cosi fructus tūc temporis cuiquam
 arriderent, qui inter eos nocentio-
 res habentur, vitari debebunt: vt
 sunt brumales vuę: nam renibus,
 vesicæ, & intestinis summè incom-

*Fructus
 ad aluum
 ducendam
 quando &
 quomodo su-
 mendi.*

modant. Denique, si liberet mensæ initio & præludio quidpiam succulentum præsumere, quod aluum ab excrementis expediat, sanequàm accommodum huic rei sese offeret dulce & odoratum pomum assatum, vel in vino coctum, & ubi refrixerit ex multo saccharo, coque albissimo, commanducatum. Utile insuper erit in eandem rem brumales vuas albas in feruentem aquam demersas, & mox frigida desuper affusa, exemptis vinaceis & seminibus internis comedere. Si verò succosis fructibus astringentibus & comprimentibus in fine pastus, uti visum esset, cuiusmodi sunt pyra quædam, sumenda erunt cum vetere caseo electo & friabili: vel candenti foculo assabuntur, & pelle exuta, vino immergentur, ac

Pulchra & notata digna de subducentibus aluum.

Astringentes fructus quomodo in fine pastus sumenda.

ita comedentur. Sed ab eis sollicitè cauebunt, qui torminibus & articulorum cruciatibus sunt obnoxij. Quòd ad oleaginosos fructus attrinet, vt sunt amygdalæ, nuces, auellanæ, pineoli nuclei, pistacia, & similes, si crudi & recentes edantur, ventriculum offendent. Sed amygdalæ, nuces & pistacia minùs ledūt recentia quàm siccata. Auellanæ verò & pineorum nuclei contrà: nam plus nocent recentes, quàm sicci. Vnde corporibus temperatis, & omnibus quorum natura ad caliditatem inclinat, crudis & recentibus huiusmodi fructibus vti non expedit: quòd plus obesse, quàm prodesse queant. Possunt nihilominus tennellæ ac recètes amygdalæ, ventriculi æstum opportuno tēpore vt-
cunque

*Amygdala
nucis, &
pineoli nu-
clei.*

*Amygdala
recentes.*

cunque mitigare: vt siccæ, vini vapores ne sursum euolent & caput offendant præpedire, si mensas clauserint. Nuces recētes vt etiā siccæ, non solùm stomachum lædūt, sed etiam visum & caput grauiter tentant: Habent nihilominus id commodi, quòd à flatibus & piscium viscositate corpus egregiè tuentur. Auellanæ sua natura hepatis sic satis roborāt, sed stomacho & capiti officiunt. Pineorum nuclei, etsi de omnibus stomacho summè aduersantur, sunt tamen paralyticis valde vtilis, & omnium maximè pulmonariis, quibus thoracis interiora à pituita prægrauantur, & ob id ægrè spirant, & molestè pituitosum mucum expectorant. Pistacia frigido hepati & stomacho efficaciter prosunt, minús-

*Nuces recē-
tes & indur-
ate.*

*Auellane &
pineorum
nuclei.*

que noxæ, præ aliis iam positis, in corpore relinquunt: verumtamen capiti incommodant. Si antè dicti fructus, generoso melle, aut saccharo fuerint excepti, & accuratè conditi, minùs negocium ventriculo facient, sed temperatis cor-

Fructus ad voluptatem conditi, potius quam ad utilitatem.

poribus & euchymis nocebunt, quòd ad voluptatem potius quàm utilitatem condiantur.

Hæc ab Arnaldo Villanouano accepta, & in tuum vsum velut paraphrasi quadam congesta, sed paulò tersius, (quod absque calumnia, & iactantia dictum habe) si boni consulueris, me ad meliora tibi propediem ex umbra in lucem proferenda, alacriter & perstrenuè excitabis, ac promouebis.

ANTONIVS MIZALDVS
LECTORI, S. D.

Rogatus à Typographo, vt confestim, aut si maius me Græcè dicere, ἐν τῇ παραγραφῇ, paginas aliquot vacuas, scripto quopiam ei replere, ne fortè Prætoris albo, vt iactari solet, ascriberentur: ego hoc ipso præcipiti & momentaneo temporis articulo summè, si aliàs vnquam, occupatus, ad externa præsidia, & auxiliarem operam confugere fui coactus. Mihi itaque, velut Deus quispiam ad machinas, præstò adfuit, & sanè quàm libenter succurrit doctissimus, & in omni parte medicinæ exercitatissimus vir, Ioannes Lægius, illustrissimorum Comitum Palatinorum Rheni medicus: cuius erudita confabulatione, vel vt planius loquar, lectione, tunc temporis periucundè fruebar. Ille itaque ex tēpore medicam Epistolam, & Problema sequens, De salubri vsu casei (de quo tam varia est apud Medicos disceptatio) Typographo mittendum mihi candidè exhibuit. Cuius hæc est quaestio.

*An caseus edendo sit salubris, ad
Philippum Melanchthonem.*

Indicta mihi erat per Cyrlerum nostrum cœna, inquit Langius, & quum iam secundæ mensæ bellaria apponeretur vnà cum caseo, tū, Philippe, honorifica certè tui ac famuli tui facta fuit mentio: qui tibi edenti caseum de ma-

nibus eripuisset. Aderant inter conuiuas, qui famuli audaciam admirabantur. Alii verò qui eius fidelitatem collaudabant: qui non passus fuisset, vt dominus suus ventriculum cibo prauo alimentu, & ad coquendum contumaci, oneraret. Tum ego rogatus respondi: me suspicari famulum fuisse de vulgari illa medicorum hæresi, qui aliorum ventriculos suis viribus meriuntur, & medicamenta non Socrati, aut Philippo, sed vniuersali hominum in mente ideæ accommodarent: ignorantes naturam ventriculorum ita diuersimodè esse comparatam, vt hic naturâ incalescens, esculenta crassa & coctioni cōtumacia, exactè conficiat: tenera verò adurat, & in nidorulentam eructationem conuertat. Accedit ad hoc quòd esculentorum & potus concoctio non tantum caloris naturalis viribus, sed proprietate quadam bestiis hominibusque congenita (vt Galenus refert) perficiatur. Sic hac ratione Struthiocamelus volucris digerit & cōcoquit ferrum, & reliqua metalla igni inexpugnabilia, quæ Leo, Struthiocamelo longè calidior, cōcoquere non potest. Puella à rege Indorum Alexandro fraudi verius quàm muneri missa, napello impunè vescabatur. Coturnices semine hyoscyami & veratri pinguescunt: Sturni cicuta aluntur, quæ homini, ceterisque animantibus venena sunt deleteria. Hac quoque ratione accidit, vt hominum ille non vescatur caseo, alter abstemius viuatur: Quo tamen caseo, Zoroastes, artis

Galenus libro 2o de aliment. facult.

magica inuētor, viginti annis in deserto vixisse traditur, ita tēperato vt vetustatem nō sentiret.

Quod siccis dracontii foliis effici docuit Galenus: quibus recēs implicitus à putredine immu- Libro 6.
simpl. me-
dicam.
nis seruabatur. Proinde Hippocrates prudēter, vt cētera omnia, nos in libro de vetere medicina his verbis admonet: Non simpliciter, inquit, existimare oportet, quòd malum edulium sit caseus: non enim omnes homines lēdit, imò gracilibus mirabiliter conferre traditur. Nec obstat quòd aliqui caseum crassi & visceri alimenti, quo epatis, renum, venularūque obturentur meatus, ac arenulæ in renibus ac vesica, veluti calce agglutinentur, vt in calculum coalescant, causantur, & passim opponunt.

Nec id, Philippe, te à casei esu deterreat: inoderata quippe salis conditura, hæc casei incommoda corrigit, quæ humorum lentorem incidit friabiles reddit arenulas, meatuum obstructions referat, neruosum ventriculi osculum Conditura
salis com-
moda. roborat, appetitūque eius languentem sua acrimonia excitat, & nauseam sistit. Ob id non temerè veteres salem irritamentum gulæ vocarunt. Quod & columbæ apprimè norunt: quæ, vt refert Plinius, pullis primo falsiorem terram collectam gutture in ora spuunt, præparantes tempestiuitatem cibo. Nec quoque te Galenus in libro de boni malique succi alimentis terreat, cū ait: Ex caseis omni- Casei salu-
bris condi-
tio.
bus crassus est succus, insupérque ex vetustis malus: recenter autem coactos, prima mensa

*Aphorismo
38 Sectio-
nis 2.*

ad aluum ducēdam manducare licet cum melle: nam, inquit, & minū crassus est quā verum succus, & nullo pacto malus. Proinde Philippe, nihil horum incommodi veritus, liberē vescere caseo recenti, salis momento temperato: qui lactis bubuli, aut caprini dulcorem respiciat, à vetustatis acore alienus, confusus Hippocratis, Apollinis nostri, oraculo, quo ait: Paulò deterior cibus aut potus, suavior autem, melioribus quidem, sed minus suauibus est præferendus. Hactenus Langius.

Cæterum vt à calumnia quorundam & noxæ infamia caseum vindicarem, sequentes versiculos ex Salernitarum Regimine ad Anglorum Regem huc transferre opportunum ac iucundum esse duxi, vbi caseus hunc in modum conqueritur:

Ignari medici me dicunt esse nocuum:

sed tamen ignorant cur nocumenta feram.

Qui Physicam norunt hæc de me testificantur,

Optima post epulas caseus esca datur.

Rursus, opem stomacho languenti caseus adfert,

Si post extremas incidat ille dapes.

Et alibi,

Caseus et panis bonus est cibus, hercule, sanis:

Si non sunt sani, non iungent hunc bene pani.

Si cui arridebunt fercula, coci industriâ, ex caseo confecta, præter Apicium & Athenæum, Platina in libro de honesta voluptate illi abundè satisfaciet. Hæc satis pro Caseo.

SVMMA PRIVILEGII.

REGIA sanctione cautum est, ne alius
quispiam præter Federicum Morellum,
Regium Lutetiæ Typographum, hæc duo Opus-
cula, ANTONII MIZALDI Monluciani, me-
dici, cura & diligentia emissa, Dioclis scilicet Cary-
sij, de morborum præsagijs, & eorundem extempora-
neis remedijs: & Arnaldi à Villa noua de salubri
hortensium usu, intra quinquenniū absque ma-
nifesto eiusdē Mizaldi consensu, sub Regis di-
tione imprimat, aut vendat. Qui secus fecerit
libris & pœna in sanctione æstimata mulctabi-
tur. Concessum fuit Priuilegium Lutetiæ Pa-
risiorum, die quinta Octobris, 1570.

Per Regem in Consilio,

D E N Y S.

